



Sarajevo, 20. 5. 2026.
MEDIJIMA

PRIOPĆENJE ZA MEDIJE
Održan deveti sastanak Pododbora za ekonomska i finansijska pitanja i statistiku

Na devetom sastanku Pododbora za ekonomska i finansijska pitanja i statistiku između EU i BiH, koji je održan 20. svibnja 2026. godine u Sarajevu, Europska komisija je ponovila kako BiH za usvajanje pregovaračkog okvira i održavanje prve međuvladine konferencije mora poduzeti potrebne korake, što uključuje usvajanje zakona o VSTV-u i zakona o sudovima BiH, te imenovanje glavnog pregovarača. Ukazano je na važnost imenovanja IPA koordinatora. Također je istaknuto da se, nakon usvajanja Reformske agende, očekuje poduzimanje koraka u provođenju reformi, imenovanje koordinatora te ratifikacija Sporazuma o Instrumentu za reforme i rast i Sporazuma o zajmu.

Europska komisija je istaknula otpornost ekonomske aktivnosti u BiH, a kao izazovi izdvojeni su opterećenost poslovnog okruženja fragmentacijom unutarnjeg tržišta, dobro ekonomsko upravljanje, vladavina prava, kvaliteta obrazovanja, zaostajanje u energetskej tranziciji itd.

Dvije delegacije razmijenile su informacije o ekonomskoj situaciji i planovima u BiH i EU. Europska unija je u 2025. godini ostala najznačajniji vanjskotrgovinski partner BiH. U 2025. godini u BiH je, prema raspoloživim podacima, zabilježen rast ekonomske aktivnosti sa stopom rasta BDP-a od 2,1%, vanjskotrgovinske robne razmjene kao i inflacije. Prema projekcijama Direkcije za ekonomsko planiranje očekivana stopa rasta BDP-a u BiH u 2026. godini je 2%, a stopa inflacije 4,1%.

Delegacija BiH je informirala kako je Fiskalno vijeće BiH usvojilo Globalni okvir fiskalnog bilansa i politika u BiH za period 2026-2028. godine. Istaknuto je kako je u 2025. godini fiskalna politika bila usmjerena na očuvanje fiskalne stabilnosti u BiH, zahvaljujući snažnom rastu javnih prihoda, koji su u odnosu na 2024. godinu bili veći za 11,3% nominalno.

Delegacija BiH je informirala o posljednjim aktivnostima institucija u BiH na pristupanju Jedinstvenoj zoni plaćanja u eurima (SEPA), a vezano za odnose s međunarodnim finansijskim institucijama istaknuto je da BiH ostaje u kategoriji umjereno zaduženih zemalja. Ponovljena je preporuka kako BiH treba nastaviti napredovati u usklađivanju s pravnom stečevinom EU i Sporazumom o stabilizaciji i pridruživanju u vezi s liberalizacijom kretanja kapitala i plaćanja.

Konstatirano je kako je usvojen i u skladu s rokovima Europskoj komisiji dostavljen Ekonomski plan reformi za period 2026–2028. godine.

Dvije delegacije razgovarale su i o kontroli javnih financija i vanjskoj reviziji, te zaštititi finansijskih interesa EU i zaštititi eura od krivotvorenja.

Delegacija EU je primila k znanju da su pripreme za provođenje poljoprivrednog popisa u toku, a među zadacima u oblasti statistike za bh. vlasti su i usvajanje novog zakona o statistici, usvajanje mape puta za pripremu popisa stanovništva i stanova te priprema klasifikacije statističkih regija na nivou NUTS III.

O Pododboru

9. sastankom Pododbora za ekonomska i finansijska pitanja i statistiku između EU i BiH sa strane BiH je kopredsjedavala Vera Letica iz Ministarstva finansija i trezora BiH.

Pododbor za ekonomska i finansijska pitanja i statistiku je jedno od zajedničkih tijela EU i BiH, osnovanih u skladu sa SSP-om u svrhu praćenja njegove primjene. Razmatra pitanja u vezi s Ekonomskim kriterijem te poglavljima 4 - Slobodno kretanje kapitala, 17 - Ekonomska i monetarna politika, 18 - Statistika, 32 - Finansijska kontrola i 33 - Finansijske i proračunske odredbe.

Direkcija za evropske integracije